

Dia di inscripcion pa Festival di Tumba tabata fabuloso

Diadomingo último di un forma masha familiar e inscripcion di Tumba pae aña'ki a wordo realizá den Cheers. Cu sigur tabata un di e sitionan mihó escohí pa e organizadornan. Tabata mas o menos pasá di 12'or cu Canal 90 FM a cumenzá transmití e happening aki cu a finalizá ora cu e bandanan a haña nan number oficial di participacion.

Den e caso aki e canal radial aki tabata e único cu a transmití esaki pa henter Aruba treciendo informacion di loke tabata pasando como tambe entrevistando cada tumbero asina cu esaki a inscribí su mes.

TIGO

Ta e banda cu nos a sinti su falta den e inscripcion aki auque nos a comprendé cu nan a yama bisa cu nan lo ta participando na esaki toch. Na cierre di esaki ainda TIGO no a presentá y


automáticamente esaki ta nificá cu nan ta afó di e Festival di Tumba. Un hecho lamentabel pae muchanan di Benny Vrolijk cu semper a duna bon competencia den e Festival di Tumba. Un banda cu sigur nos lo bai sinti su falta den e festival mencioná.

BANDANAN

E promé banda cu lo subi riba escenario ta Formacion BAS cu lo compaña Segundino Tromp cu e pieza Dushi bo ta haci.

Sensacion del Caribe ta participá cu Henry Casuela titulo di su tumba ta Los den Carnaval y Rafael Flanders cu Vitamina.

Coral banda ta e banda di Willy Polanco cu tin 3 cantante cu ta Lionel Croes cu Mi punta di potlood, Rolando de la Cruz cu Nos Identificacion y Magaly Sneek cu Pasa p'aden.



Musical Time no a anunciá su cantante, ni su Tumba.

Brave Bull Production ta compaña Siegfried Holsman (Mr. Kicker) cu su tumba Nos tur lo tey.

Placentero Ritmo y Cuerde, e muchanan di Hemmy Croes tambe ta den e festival cu nan number original lo compaña Linda Wolff cu Duna nan un tikiso, Milton Stamper no titulo inscribí y Frenk Kock cu E Solucion.

Formacion Post, ta e muchanan di PostKantoor cu lo compaña Andy Williams cu Un Carta pa Carnaval.

Los Bravos ta compaña Fedjai cu e tumba Stepping, Coco Loco Band lo compaña Chicho Kock cu ta nos Rey di Tumba saliente.

Didi Wernet tambe ta wordo compaña pa Coco Loco Band cu su tumba Bringa gai, Lanta

canasta y Soraya tambe ta participá cu Ken di?

EQO ta bin cu 3 participante entre nan ta figura e conocido locutor/aminador Melvin "Mencho" Garcia cu ta bin cu E Koki Ka-chap Ka-chap, Hairo Everts ta bin cu Nos Tey y Ramphys Tromp cu Swing Bai bin.

La Selecta ta compaña Henry Kock cu Hisé Duné. Los Duques cu ta e banda cu ta consistí di hobennan lo compaña Eugene Alberts cu no tin titulo pa su tumba.

Conhunto Criollo ta compaña Boysie Croes cu porcierto tabata e promé cu a inscribí y su tumba ta titula Drecha e ley.

Papito Y su Doble Sabor ta sali for di baul pa compaña Papito Rafael cu no tin titulo ainda.

Banda di Polis no a inscribí

su cantante, ni su tumba, pero esaki si nos ta haña cu ta falta di discipliná for di e muchanan aki.

Super Orquesta Qua-Si lo compaña 3 cantante nan ta Nando Chirino cu E wega di EQO, Roderick "Strongolo" Booi ta bin cu E ambiente ta den dje y Richard "Tattoo" Quandt no a duna su titulo ainda.

Robert y su Solo Banda Show ta compaña Oswald "Ozzy" Tromp cu E Dumptruck, Gilbert Raven ta bin cu Aruba No#1 y Mario Steenen cu Correctamente.

Esaki ta tur e participantenan na e festival di Tumba di Diasabra awó den Stadion di RCA. For di awe nos kier a manda un palabra di éxito na tur e participantenan y loke ta conta ta participá.

Shonnan hopi éxito na boso tur.



KOOLTEMP
MACHINE & WELDING SHOP
TA BUSCA
Un (1)

Telefonist(e) / Adm. Klerk

Exegencia minimo: ETAO/MAVO

Solamente Arubiano

Yama pa un cita na 829085

